forte qu'on leur void quelquefois le vifage & l'estomac figuré, come le font en France les morions & les cuirasses & les haussecols des gens de guerre, & le reste du corps à l'aduenant.

Pour le reste de leurs coustumes & façõs de faire, ils sont presque en tout séblables aux autres Sauuages de ces contrées; specialemet en leur irreligio & gouuernemet, [56] soit politiq; soit œconomiq;.

Il y a toutesfois quelques choses en quoy ils semblent vn peu differens de nos Hurons Premierement, ils paroissent plus grads, plus forts & mieux faits.

Secondement, l'affectio enuers leurs morts, femble estre bien plus grande. Nos Hurons incontinent apres la mort, portent les corps au cimetiere, & ne les en retirent que pour la feste des Morts: ceux de la Nation Neutre, ne portent les corps au cimetiere que le plus tard qu'ils peuuent, lors que la pourriture les rendroit insupportables. D'où ce fait que les corps paffent fouuent l'hyuer entier dans les cabanes; & les ayant vne fois mis dehors fur vn eschaffaut pour pourrir, ils en retirent les os le plustost qu'il fe peut, & les expofent en veuë, arrangez de costé & d'autre dans leurs cabanes, iufques à la feste des Morts. Cet object qu'ils ont deuant les yeux, leur renouuellant continuellement le reffentiment de leurs pertes, leur fait ordinairement ietter des cris, & faire des lamentations tout à fait lugubres, le tout en chanfon. Mais cela ne fe fait que par les femmes.

[57] La troisiesme chose en quoy ils semblent differens de nos Hurons, c'est en la multitude & qualité des fols. On ne trouue autre chose, allant par le pays, que des gens qui font ce personnage auec toutes les extrauagances possibles, & libertez qu'ils pren-